



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Petri Petiti Philosophi & Doctoris Medici, Miscellanearum  
Observationum Libri quatuor**

**Petit, Pierre**

**Trajecti ad Rhenum, 1682**

Cap. XI. Aristotelis locus difficilis ex libro de Animalium motione  
expenditur.

**urn:nbn:de:hbz:466:1-13245**

ætatem contriverunt, venisse unquam in mentem ut aliquam operam Græcis philosophis darent, *Platoni*, *Aristoteli*, eorumque interpretibus Græcis, quibus nihil doctius, nihil eruditius esse potest. In primis autem *Josephum Scaligerum* miror, tanta ingenii capacitate virum, & inexhausta literarum omnium cupiditate, quam tam prolixo poëtis Latinis operam dedisset, negasse Philosophis non minus eruditione omni florentibus. Utinam aliquis tandem exoriatur philosophiæ vindex, qui hanc e situ & tenebris, in quibus pridem jacet, in pristinum splendorem referat: verum hujus boni vix spes hoc tempore, quo (quicquid harum tenebrarum adoratores garriant) nullum unquam veris studiis, candori, probitati, bonæ menti magis importunum, adversum, inimicum existit.

## CAPUT XI.

*Aristotelis locus difficilis ex libro de Animalium motione expenditur.*

**P**rimum, de qua re agat philosophus præmittendum est. De *motu animalium* disputans hoc principium ponit: ad omnem motum aliquo opus esse corpore stabili, extra illud quod movendum est, cui movens inficit. Hoc autem principium esse verum, docet exemplo eorum, qui navigia & cymbas movent. Nam si quis extra navigium stans in terra conto ad malum impacto atque affixo, nitatur contra, si virium satis habeat, plane navem propellit: si autem in navilio ipso constitutus, idem tentet, frustra ejus operæ sit: nunquam enim poterit.

poterit movere. Non si Tityus aut Boreas spirent &c. verba quibus id dicit *Philosophus* & quæ negotium faciunt hæc sunt: Μαρεῖγειον ἢ Τύτης οὐκ ἀπορέμενον διὰ τὸ πόλοιον ήδη ἔξωθεν, αὖτις οὐδῆλος κονιφὴ τοῖσιν, οὐ τι ἄλλο προσ-  
έλλων μόριον, κινεῖρχοδίως. έαν δὲ τὸν αὐλῆα τις αὖ τῷ πλοῖῳ,  
τῷτο παιράται πράττειν, γένεται κινήσειν, δῆλον οὐ τίλυδος, δύνθ  
οὐρέας πνέωσιν ἔσωθεν ἐκ τῷ πλοῖου, εἰ τύχοι τις πνέων τὸ τρό-  
πον τῶν, δύπτει οἱ γραφεῖς ποιῶσιν. ἐξ αὐλῆς γὰρ οὐ πνεῦμα  
ἀφίεντα γράφειν. Quod igitur in hoc verborum contex-  
tu negotium facit, verba hæc sunt, Οὐτὸν οὐ τίλυδος, δύνθ  
οὐρέας πνέωσιν, Neque si Tityus & Boreas spirent &c. vide-  
tur enim plurale istud πνέωσιν regi ab his duobus Tīlūdōs, bo-  
rēas, tanquam duo sint venti. Hoc autem absurdum dictu  
est, neque verisimile Aristotelem dixisse: tametsi parum  
in exemplis veritatem curant philosophi: sed tamen non  
acquiescit animus meus, ut credam Aristotelem, Tityum gi-  
gantem ex fabulis notum, pro vento, vel in exemplum  
sumpississe. Apage. vidit hanc difficultatem *Niphus*, celebris  
inter recentiores Peripateticus, in commentario ad hunc  
locum: & pro Tīlūdōs, rescribit, Εὔρη, nomen venti,  
qui ab ortu hiemali flat, auctore Aristotele lib. 2. Meteor.  
cap. 6. verum, cum omnes libri in voce Tīlūdōs conve-  
niant, majoris audaciæ arbitror hanc expungere, & lon-  
ge hujus animi frustra est *Niphus*. In Scholiis Michaëlis E-  
pheſii ad hunc locum reperio hæc verba: Οὐλε ἀν οὐ τίλυδη  
οὐ κινῶν. Et mox de ventro Borea: Οὐλε οὐρέως ἡντὶν  
αὐλῆα πλοῖῳ, καὶ ἐπνει απ' αὐλῆ, ἐκινησεν ἀν αὐλό. Ex quibus  
verbis hunc locum supplere licet, nempe hoc modo: εἰ  
αὖ κινήσειν, γέτε αὖ τίλυδος η οὐ κινῶν: in iis etiam quæ se-  
quuntur supplendo vox Εὔρη, sic: εἴ οὐρέας καὶ Εὔρη  
πνέωσιν ἔσωθεν. Interim ex hoc loco Aristotelis observari  
velim morem veterum pictorum, qui in navibus ac veli-  
ficatione pingenda, ventos humana figura in ipsa nave,  
ex aliqua ejus parte, puta, puppe, inflatis buccis spiran-  
tes,

tes, ac vela inflantes effingebant. Quod sane hæc verba significant: εἴς αὐτὸς γάρ (supple πλούς) τὸ πνεῦμα ἀφίέντα γε ἀφεσιν. ubi & ἀφίέντας, pro ἀφίέντα legendum esse in numero plurali, ex dictis planum est. Observanda etiam Aristotelis venustas & elegantia, qui dum naturæ leges in motibus animalium explanat: interea data occasione memoratum pictorum illius temporis morem notet, inscitiam redarguat.

## CAPUT XII.

Latini interpretis *lapsus in quodam Aristotelis loco ostenditur. Verbi φύχεδαι notio minus vulgata indicatur. in eodem error Hermolai Barbari. Platonis & Galeni loca explicantur.*

**N**on esse versionibus fidendum, sed auctores ipsos sua lingua esse legendos præfens animadversio palam faciet. Aristotelis verba hæc sunt, in libro, de Memoria & Reminiscencia, de caussis oblivionis: Διὸ καὶ τοῖς μὲν ἐν κινήσει πολλῇ διὰ τὸ πάθος, ἡδὶ ἡλικίᾳ βούν, & γίνεσαι μυῆμη καθάπερ ἀντί εἰς ὑδωρ ῥέον ἐμπιπτούσης θεινήσεως καὶ τὸ σφραγίδος τοῖς δὲ διὰ τὸ φύχεδαι καθάπερ παλαιά τῶν ἐιδομημάτων, καὶ διὰ σκληρότητα τῆς δεχομένου τὸ πάθος, ἐγγίγεται οὐ τύπος. Quæ sic vetus interpres Latine expressit: Unde & aliis quidem qui in motu multo, aut propter passionem, aut propter etatem sunt, non sit memoria: tanquam utique in aquam fluentem incidente motu & sigillo. Alii autem propterea quod frigida sunt, sicut antiqua ædificiorum, & propter duritatem ejus, quod impressionem suscipit, non ingnitus figura. Ex qua versione liquet hunc interpretem

ver-